

Қанатты сөздер!

Дидахмет Әшімханұлы

1. Қазақтың тілін аудармалар бұзады.
2. Ақылды адамдар өмірмен сүйіп табысып, жек көріп қоштасады.
3. Дүние алашұбырлығымен сұлу.
4. Біреуге сауабы тиер болса, мен күнә жасауға да дайынмын.
5. Көктегі Құдай жазалауға асықпайды, жердегі құдайлар жарылқауға асықпайды.
6. Мәдениетті адамның мәдениеттілігін мәдениеттілер ғана түсінеді. Басқалар үшін ол – можантопай.
7. Еңбекті Құдай көреді, адам бағалайды.
8. Жақсы адам жақсы есімін тірі кезінде-ақ тірілердің жүрегіне жазып кетеді.
9. Әр сөздің мағынасымен қоса пиғылы да болады.
10. Адамша өмір сүрудің ең басты алғышарты – ойлауға, ойлануға ерінбеу керек. Ойлануға ерінбеген адам бар жағынан жақсы өмір сүреді. «Ей, адам баласы, ойлауға, ойлануға ерінбеңдер! Осындай ұранды кез-келген жерге: көшеге, үйдің төбелеріне, маңдайшаларына жазып қойса ғой!»